



**Comunu de Bauladu**  
**Comune di Bauladu**

VERBALE DE DELIBERATZIONE DE SU CUSSIGIÙ COMUNALE

**NÙMERU 32 DE SU 25/11/2019**

<b>OGETU:</b>	<b>AFIDAMENTU A S'AGENTZIA DE IS INTRADAS, SUGETU PREPOSTU PRO S'ART. 35 DE SU D.L. 50/2017, DE IS FAINAS DE INCASSU ISPONTÀNEU A INTEGRATZIONE DE S'INCASSU FORTZOSU GIAI AFIDADU IN ANTIS.</b>
---------------	--

S'annu duamìgiadeghennoe, in die bintichimbe, de su mese de santandria, a is 7 de merie in sa Domo Comunale de Bauladu, cramadu dae su Sìndigu cun lìteras iscritas cunsignadas a norma de lege, si est reunidu in sessione ordinària e pùblica, de prima cunvocatzione, su Cussìgiu Comunale in is persones de is Sennores:

Davide Corriga	P	Giovanni Battista Pes	P
Chiara Palmas	P	Anna Maria Pintus	P
Marta Dessì	P	Anna Matzutzi	A
Elia Zucca	P	Rita Soru	P
Carmine Consolo	P	Martina Atza	P

Cussigeris chi pigant parte: nr. 9

Cussigeris ausentes: nr. 1

Partètzipat a sa reunione sa Segretària, Dott.ssa Donatella Mancosu.

Su Sìndigu Dott. Davide Corriga assumet sa presidèntzia e constatadu su nùmeru legale de is intervènnidos pro pòdere in manera vàlida deliberare, deccrarat aberta sa reunione.

## SU CUSSIGIÙ COMUNALE

### **Premìtidu chi:**

- s'art. 2 de su Dl n. 193 de su 2016, gasi comente sostituidu dae s'art. 35 de su Dl n. 50 de su 2017, disponet a su comma 2 chi "A decùrrere de su 1° triulas 2017, is amministratziones locales de is cales a s'articulu 1, comma 3, podent deliberare de affidare a su sugetu prepostu a sa coberantzà natzionale is fainas de coberantzà, ispontànea e fortzosa, de is intradas tributàrias o patrimoniales pròpias e, abarrende a cantu prevididu dae s'articulu 17, commas 3-bis e 3-ter, de su decretu legislativu 26 freàrgiu 1999, n. 46, de is sotziedades dae issas partetzipadas".
- de su 1° triulas 2017, pro s'art. 1 de su Dl n. 193 de su 2016, cun s'isorvimentu de is sotziedades de su Grupu Equitalia sunt istadas atribuidas a "Agentzia de is intradas-Coberantzà", ente pùblicu econòmicu e istrumentale de s'Agentzia de is intradas, is funtziones relativas a sa coberantzà natzionale;

**Fatu riferimentu** de is deliberatziones de su cussìgiu Comunale in fatu:

- n. 17 de su 31.07 .2018 chi tenet a ogetu s'afidamentu, pro s' art. 35 de su D.L. 50/2017 a su sugetu prepostu a sa coberantzà natzionale (Agentzia de is Intradas-Coberantzà), is fainas de coberantzà fortzosa tràmite ruolu mentovadu in su Dpr 602 de su 1973 de is intradas comunales, siat tributàrias chi patrimoniales;
- n. 27 de su 31.10.2018 chi tenet a ogetu sa retìfica de sa pròpia deliberatzione n. 17 de su 31.07.2018 annanghende nde s'aparatu a pustis de su primu comma cun s'insertada de unu comma ulteriore gasi comente aporridu a suta:  
"De affidare, in manera limitada a is eventuales partidas de crèditu chi agravant in su territòriu sitzilianu, a decùrrere de su 1° triulas 2017, pro s'art. 2 de su decretu lege n. 193 de su 22 santugaine 2016, a sa sotziedade Riscossione Sicilia, sa faina de coberantzà fortzosa tràmite ruolu mentovadu in su Dpr n. 602 de su 1973 de is intradas comunales, siat tributàrias chi patrimoniales";

**Pigadu àutu** chi cun is anteditas deliberatziones non sunt istadas inclùdidas is intradas ispontàneas in cantu sa coberantzà ispontànea in is annos passados fiat istadu inclùdidu in su servìtziu de tesoreria comunale cale servìtziu in agiunta ofertu dae su sugetu gestore;

**Annotadu chi** cun sa sutiscrittzione, in s'annu 2018, de una cumbèniu nou pro su servìtziu de tesoreria comunale est bènnidu a mancare su servìtziu agiuntivu de coberantzà ispontànea de is intradas comunales garantidu dae su Tesoreri Comunale;

**Pigadu àutu chi** s'est seberadu de non s'ighire cun s'anteditu servìtziu annantu ca no s'est annotadu chi custu matessi cunsentiret a s'ufìtziu tributos un'acumprimentu efficiente de sa faina cosa sua dae chi is documentos trasmitidos dae su gestore, comente (rendi) contu de sa faina acumprida, fiant generados dae sistemas operativos chi non si collegaiant cun is programmas de gestione in dotazione de s'ufìtziu tributos etotu reherende su carrigamentu a manos de is datos retzidos, imputadore pro imputadore, no a muntone gasi comente acontesset cun is documentos iscarrigados dae su situ de s'Agentzia de is Intradas pro is ruolos chi custu ente l'at dadu in càrrigu;

**Pigadu àutu puru** chi in comintzu s'ufìtziu tributos comunale, pro garantire sa gestione efficiente de su servìtziu suo etotu, cheriat affidare a s'internu de s'ente sa coberantzà ispontànea lassende a s'esternu isceti sa postalizzatzione de is avisos de pagamentu, ma una prus atenta anàlisi at fatu bogare a campu chi cunsiderende custos e benefìtzios diat èssere istadu prus dèghidu affidare fintzas sa coberantzà ispontànea, gasi comente giai acontèssidu pro cussu fortzosu, a Agentzia de is Intradas-Coberantzà cunsentinde a s'Ufìtziu Tributos comunale de si pòdere mègius dedicare a sa faina de atzertamentu pro contribuire a megiorare sa pròpia capatzidade fiscale chi in su quadru normativu atuale est acuisende importante rilevantzia e puntu de riferimentu fintzas in is atributziones de risursas erariales a is entes locales chi ant a bènnere;

**Fatu riferimentu a** a deliberatzione de su Cussìgiu Comunale n. 28 de su 03.10.2019 cun sa chi sunt istadas annantas is variatziones a sa programatzione triennale 2019/2021 previdende àteras risursas pro s'ativatzione in s'annu currente de servìtzios de amparu a sa coberantzà de is intradas tributàrias comunales cun eventuale avaloramentu de sa tramuda de sa gestione de su servìtziu coberantzà TARI a Agentziade is Intradas-Cobros;

**Duncas**, a su fine de assicurare tzertesa, efitzèntzia e efitatzidade in s'esertzìtziu de is poderes de coberantzà, in prus a complementariedade de gestione cun sa forma de coberantzà atuale de is intradas fortzosas, de pòdere affidare a Agentzia de is Intradas-Coberantzà, comente sugetu prepostu a sa coberantzà nazionale ea pro s'art. 35 de su D.L. 50/2017, is fainas de

coberantza ispontànea de is pròpias intradas tributàrias e patrimoniales, a integratzione de sa coberantza fortzosa giai afidadu in antis;

**Atestada** sa regularidade tècnica e contàbile espressada pro s'art. 49, comma 1, de su D.lgs. n. 67 de su 2000 e cambiamentos e integratziones imbenientes;

#### **DELÌBERAT**

- 1) De affidare a s'Agentzia de is Intradas, cale sugetu prepostu pro s' art. 35 de su D.L. 50/2017, is fainas de incassu ispontàneu de is pròpias intradas tributàrias e patrimoniales, a integratzione de sa coberantza fortzosa giai afidada in antis.
- 2) De incarrigare sa Responsàbile de su Servìtziu Finantziàriu de pònnere in èssere is àutos cunsighentes.

Parre a subra de sa proposta: in òrdine a sa regularidade tècnica pro s'art. 49, comma primu, de su Decretu Legislativu 267/2000 e cambiamentos e integratziones sutzessivos.

Sa Responsàbile de su Servitziu  
F.du Francesca Ara

Parre a subra de sa proposta: in òrdine a sa regularidade contàbile pro s'art. 49, comma primu, Decretu Legislativu 267/2000 e cambiamentos e integratziones sutzessivos.

Sa Responsàbile de su Servitziu  
F.du Francesca Ara

Su verbale benit sutascritu gasi

---

Su Sìndigu  
F.du Dott. Davide Corrìga

Sa Segretària Comunale  
F.du Dott.ssa Donatella Mancosu

---

#### ATESTADU DE PUBLICATZIONE

S'atestat chi còpia de sa deliberatzione est publicada in su situ istituzionale de su Comunu, atzessibile a su pùblicu, pro s'art. 32, comma 1, de sa Lege 69 de su 18/06/2009, partinde dae su 19/08/2019, pro abarrare bìndighi dies consecutivas, e in manera cuntestuale comunicada a is Grupos Consiliares.

Su 25/11/2019

Sa Segretària Comunale  
F.du Dott.ssa Donatella Mancosu

---

Còpia cunforme a s'originale pro impreu amministrativu

Su 25/11/2019

Su Missu Notificatore  
F.du Dott. Paolo Carta